

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Menippus sive dialogorum satyricorum centuria inanitatum nostratum speculum**

**Andreä, Johann Valentin**

**Cosmopoli [i.e. Straßburg], 1618**

95. Trias

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

subito animos hominum invertat? A. Ita est sane; at interim noli credere omnes aut plerisque saltem, id animo suo credere, quod foris fortunæ & tempori tribuunt, itaque facilimum esse sublati impedimentis aliter proloqui, & rectum diu odium proferre. B. Hactenus vulgus accusavimus, at hoc vulgi ingenio vniversus mundus est. Summis namque, mediis & infimis hoc commune est, fœlices colere, infelices deserere. A. Christianis id non imputabis, quib. alia regula est. B. Itaque tu mihi vulgus defini. A. Non a sum. B. Nempe quia vulgus nimium vulgatum est. A. Itaque Christo fidere tutissimum est, eundemque sequi, neque has terrenæ Fortunæ rotationes umquam admirari, quicquid tandem vulgul sit, vel faciat.

## 95. T R I A S .

A. Vidisti opinor Romanam Triadem? B. Nihil illa elegantius. A. Et admiratus es hoc numero comprehendi quamcunque iniquitatis summam? B. Quid opus est Triade, cum una errorum summa Antichristus sufficiat, unum malorum centrum Tyrannus, una universitatis pestis Sathan? A. At si dicas tres orbis plagas, Talmud, Alcoranum, Decreta, nonne id sonantius est? B. Ita & dicere possem tres orbis Religiones Christianam, Iudaicam, & Ethnicam. A. Bene, vides nempeternario præcipua huius terræ definiri. B. Ea dudum Trithemi

H s

&amp;

& Agrippa colligere, non sine acumine. A. Nescio an & nos tale quid valeamus. B. Si placet certabimus. A. Incipere, nec enim cedam prius quam viceris. B. Tria sunt plane admiranda, Vnū Tria, Deus Homo, Virgo mater. A. Tria sunt homini gloriosissima, Deus Pater, Dominus Frater, Princeps socius. B. Tria sunt, Ecclesie flagella, Hypocrisis, Sophistica, Tyrannis. A. Tres sunt Religionis ordines, Pharisei, Epicurei, & Peccatores. B. Tres sunt terræ doctores, Religio, Superstitio, Atheismus. A. Tres sunt orbis rectores Charitas, Persuasio, Violentia. B. Tres vitæ comites, Ambitio, avaritia, voluptas. A. Tres vulgi impostores, stupor, venter, consuetudo. B. Tres expectant Dei iudicium, Sanctus, Hypocrita, Impius. A. Tres dividunt inter se hominem, Theologus, Medicus, Iuriscōsultus. B. Tria sunt iniuncta. Veritas, Necessitas, Libertas. A. Tres sunt humani generis hostes, Sathan, Mundus, Caro. B. Tres sunt Mundi incolæ, Simon, Iudas, & populus Gomorthæ. A. Tres sunt Atheorum scrupuli, Animæ immortalitas, resurrectio carnis, & infernus. B. Tria sunt hominum alimenta, genus, scientia, labor. A. Tria sunt Aulæ inuisa, Verbum Dei, reformatio, & subditorum oculi. B. Tria sunt in Academijs suspecta, liberale ingenium, eruditio rara, & devotio modesta. A. Tria sunt in aula promotiva, Cognatio, largitiones, & curiosæ artes. B. Tria sustinent literatos, papyrus, calamus, atramentum. A. Tria solantur sacrificulos, præbenda, honor, otium. B. Tria suffulciant aulicos, Luxus, spes, vanitas.

A, Tria

A. Tria ele  
cia. B. Tria  
pericia, nun  
perna, lucru  
dentur pece  
mazloptum  
doctrina, a  
obiq; aqua,  
no. A. Tria  
Mendus fid  
deo tenon  
A. Jam qui  
ni velit, n  
quam.

9  
A. PLar  
re or  
mini & mo  
nos divisos  
Pico Miran  
debere con  
tius huius  
Paradyso e  
iactet. B.  
sto incarn  
manfisset.  
Christum  
conq; fuer  
sponsam p

A. Tria elevant indignos, opes, casus, audacia. B. Tria exiguntur à peregrinatione, viarum peritia, nummus, & lingua. A. Tria evocant è patria, lucrum, admiratio, licentia. B. Tria laudantur peregrinanti, conscientia, stomachus, & marsupium. A. Tria multa evitant, Experientia, doctrina, admonitio. B. Tria valde egent, domus absq; aqua, terra absq; domino, mulier absq; viro. A. Tria plane absurda sunt, Sathan quietus, Mundus fidelis, & Christianus superbus. B. Video te non cedere, & hanc materiam esse fertilẽ. A. Iam quidem desinamus, ut si quis alius nugari velit, non conqueratur aliquid esse præruptum.

## 96. S I B Y L L A E.

A. Platonis illud nonne meministi? Oportet re omnia convenire cum veritate. B. Memini & molestum est in tot sectas & opiniones nos divisos. A. Nunc nos Christiani cum Pico Mirandulano appositè diceremus, Omnia debere convenire cum Christo. Is namque totius hujus uniuersi finis videtur, non vero homo Paradyso ejectus, quicquid ille se microcosmum iactitet. B. Tu revocabis illas spinas de Christo incarnando, si maxime Adam innocens permansisset. A. Non hic tangam, vides tamen Christum omnia respexisse & respicere, quæcumq; fuerunt, sunt, & erunt, simulque eiusdem sponfam per admirabile Dei ab æterno consiliũ.